

Arkiv: <arkivID><jplD> FE-151, FE-145
JournalpostID:
Sakshandsamar:
Dato: 21.11.2022

Saksframlegg

Saksnr.	Utval	Møtedato
050/22	Eldreråd	28.11.2022
058/22	Råd for menneske med nedsett funksjonsevne	28.11.2022
048/22	Ungdomsråd	28.11.2022
031/22	Administrasjonsutval	30.11.2022
131/22	Alver formannskap	01.12.2022
182/22	Alver kommunestyre	15.12.2022

Økonomiplan 2023-2026

Kommunedirektøren sitt framlegg til vedtak:

1. Investeringsbudsjettet for 2023 og for økonomiplanperioden 2023-2026 blir vedteke jfr. Bevilgningsoversikter Investering etter § 5-5. Budsjettet er basert på forventet framdrift på tidlegare vedtekte prosjekt, i tillegg til nokre nye mindre prosjekt. Sum investeringsutgifter i 2023 vert budsjettert med 328 386 000 kr. Bruk av lånemidlar vert budsjettert med 242 939 000. Låneopptak til investeringsprosjekta vert avrunda fastsett til 243 000 000 kr. Øvrig finansiering framgår av bevilgningsoversikten.
I tillegg vert det budsjettert med opptak av startlån for vidareutlån i Husbanken på 150 000 000 i 2023 slik det framgår av bevilgningsoversikten. Låneopptak skal skje ihht. fullmakt i Finansreglementet pkt. 8.1.
2. Økonomiplan for 2023-2026 og årsbudsjett for 2023 blir vedteke, jfr. Bevilgningsoversikt drift §5-4 og økonomisk oversikt drift §5-6. Årsbudsjettet for 2023 blir vedteke med sum netto driftsrammer for dei sju sektorane, jf. eigen tabell.
3. Kommunedirektøren får fullmakt til å fordele sentralt avsett lønsauke til sektorane når årets lønsforhandlingar er gjennomført.
4. For skatteåret 2023 skriv Alver kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2023 skrive ut eigedomsskatt på «et særskilt fastsett grunnlag» i henhold til overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å anse som næringsseigedom. Det særskilte grunnlaget skal i 2023 vere lik 2/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2023 skrive ut eigedomsskatt på bygningar og grunnareal for anlegg nevnt i punktet over i henhold til overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. eigedomsskattelova § 25.
5. Basert på endringar i borne- og elevtall i dei kommande åra, ber Kommunestyret kommunedirektøren om å starte arbeidet med barnehage og skulebruksplan for Alver kommune
6. Kommunestyret ber kommunedirektøren om å starte arbeidet med taksering av næringsseigedomar i 2023 med sikte på å innføre eigedomsskatt på all næring i 2024.
7. Kommunestyret ber kommunedirektøren starte arbeidet med taksering av hus, hytter og tomter med sikte på å innføre eigedomsskatt i 2024. Det er sett av 1,5 mill. kr til takseringsarbeidet i 2023. Dersom anbudsprosessen viser at takseringsarbeidet vert dyrare, ber kommunedirektøren om å ta resultatet inn

- i tertialrapporteringa i 2023.
8. Det vert gjeve ei ramme på 1 924 000 kr til kontrollutvalet.
 9. Det vert gjeve eit driftstilskot til Alver kyrkjelege fellesråd på 26 535 000 kr. I tillegg kjem dekking renter og avdrag på lånet for Kyrkja i Knarvik som tilsaman utgjer 3 228 000 kr.
 10. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
 11. Godtgjersle til ordfører er 1 064 318 kr og varaordfører 638 591 kr. Dette er i samsvar med godtgjersle til stortingsrepresentantar pr 1. mai 2022. Løna skal regulerast per mai 2023 i samsvar med endringar i løn til stortingsrepresentantar.

Eldreråd 28.11.2022:

Handsaming:

Janne Sund-kommunalsjef økonomi orienterte og svara på spørsmål.

Det vart sett fram følgjande felles framlegg til uttale til Økonomiplan 2023-2026:

Det er ein sterk vekst av eldre og ein nedgang i barnetalet i Alver. Økonomiplanen bør avspegla den demografiske utviklinga.

Med omsyn til den svært krevjande økonomiske situasjonen, kan eldrerådet akseptera at det mellombels kan innførast eigedomsskatt i Alver.

Eldrerådet er positiv til at det blir utarbeidd ein heilskapleg skulebruksplan i Alver.

Eldrerådet meiner tiltak retta mot barn og ungdom må skjermast, det gjeld mellom anna tiltak som MOT.

Eldrerådet advarar mot å byggja ned planleggings-kapasiteten i kommunen.

Eldrerådet meiner det hastar med å utvida kyrkjegarden på Lindås, og ser positivt på at denne investeringa har fått plass i forslaget til økonomiplan.

Eldrerådet ser behovet for at Alver kommune får på plass ein seniorpolitikk med tiltak som mellom anna legg til rette og stimulerer til at eldre arbeidstakarar står lenger i jobb.

Eldrerådet vedtok samrøystes felles framlegg til uttale sett fram i møtet.

ER- 050/22 Vedtak:

Eldrerådet kjem med følgjande uttale til Økonomiplan 2023-2026:

Det er ein sterk vekst av eldre og ein nedgang i barnetalet i Alver. Økonomiplanen bør avspegla den demografiske utviklinga.

Med omsyn til den svært krevjande økonomiske situasjonen, kan eldrerådet akseptera at det mellombels kan innførast eigedomsskatt i Alver.

Eldrerådet er positiv til at det blir utarbeidd ein heilskapleg skulebruksplan i Alver.

Eldrerådet meiner tiltak retta mot barn og ungdom må skjermast, det gjeld mellom anna tiltak som MOT.

Eldrerådet advarar mot å byggja ned planleggings-kapasiteten i kommunen.

Eldrerådet meiner det hastar med å utvida kyrkjegarden på Lindås, og ser positivt på at denne investeringa har fått plass i forslaget til økonomiplan.

Eldrerådet ser behovet for at Alver kommune får på plass ein seniorpolitikk med tiltak som mellom anna legg til rette og stimulerer til at eldre arbeidstakarar står lenger i jobb.

Råd for menneske med nedsett funksjonsevne 28.11.2022:

Handsaming:

Orientering til saka v/Janne Sund-kommunalsjef økonomi og Leni Dale-kommunalsjef helse og omsorg

Fellesframlegg v/Reidar Knutsen:

Økonomiplan:

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Vi er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje auka kostnadar fram i tid.
- Ved innsparing i skule og barnehage, må ein sikre at alle born framleis vert sett og får den tilrettelegginga dei treng og har krav på.
- Vi ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
- Vi ber om at kjøp av plassar på Guttas Campus eller likeverdig tilbod vert vidareført.
- Det er bra at det er avsett ressursar basert på forventa demografiutvikling, men det er òg nødvendig å etablera økt kapasitet i tide, enten det gjeld bustad, arbeids og aktivitetstilbod eller anna som krev lengre planlegging og gjennomføring.
- RMNF har vorte kontakta av ein innbyggjar, som meiner det er urimeleg at personar som søker om å få montert utvendig trappeheis må betala gebyr for å få behandla søknaden. Ein slik heis er eit midlertidig tiltak, som vert fjerna når den som treng den ikkje lenger bur i huset. RMNF er einig i at dette synest som urimeleg å måtta betala eit slikt gebyr, som følgje av at ein har fått ei funksjonshemming som gjer at ein ikkje lenger kan bruka trappa. Vi ber om at det vert innarbeidd ei presisering i gebyrregulativet, om at det ikkje skal krevjast gebyr for utvendige trappeheisar og tilsvarande midlertidige installasjonar.

RMNF- 058/22 Vedtak:

Uttale i RMNF - 28.11.2022:

Økonomiplan:

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Vi er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje auka kostnadar fram i tid.
- Ved innsparing i skule og barnehage, må ein sikre at alle born framleis vert sett og får den tilrettelegginga dei treng og har krav på.
- Vi ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
- Vi ber om at kjøp av plassar på Guttas Campus eller likeverdig tilbod vert vidareført.
- Det er bra at det er avsett ressursar basert på forventa demografiutvikling, men det er

øg nødvendig å etablera økt kapasitet i tide, enten det gjeld bustad, arbeids og aktivitetstilbod eller anna som krev lengre planlegging og gjennomføring.

· RMNF har vorte kontakta av ein innbyggjar, som meiner det er urimeleg at personar som søker om å få montert utvendig trappeheis må betala gebyr for å få behandla søknaden. Ein slik heis er eit midlertidig tiltak, som vert fjerna når den som treng den ikkje lenger bur i huset. RMNF er einig i at dette synest som urimeleg å måtta betala eit slikt gebyr, som følgje av at ein har fått ei funksjonshemming som gjer at ein ikkje lenger kan bruka trappa. Vi ber om at det vert innarbeidd ei presisering i gebyrregulativet, om at det ikkje skal krevjast gebyr for utvendige trappeheisar og tilsvarande midlertidige installasjonar.

Ungdomsråd 28.11.2022:

Handsaming:

Orientering i saka v/Janne Sund

Ungdomsrådet arbeida fram ein felles uttale på dei punkta dei meiner er viktige å formidle i saka, uttalen kjem i sin heilhet i vedtaket.

UR- 048/22 Vedtak:

Vi i Alver ungdomsråd kjem med følgjande uttale i sak om Økonomiplan 2023-2026 og budsjett 2023.

Vi ynskjer først å peike på dei innspela som vart gjeve til formannskapet i august 2022, der ungdomsrådet hadde følgjande innspel på tiltak som er viktig for dei unge i kommunen:

- Ungdomsklubbar, fleie dagar i uken og ny klubb i Knarvik.
- Helsesjukepleiarar i skulen, med meir tid til kvar enkelt elev.
- Halde fram MOT på ungdomsskulen.
- Halde fram Ungdomskontakten Salto
- Halde fram tilbod om Open hall.
- Halde fram arrangementer i hallane, aktivitetar og utfluktar for ungdom.
- Kortare ventetid på psykolog for ungdom.
- Betre opningstid på Helsestasjon for ungdom.
- Betre uteområde på ungdomsskulane
- Miljøterapeuter i ungdomsskulen

Til kommunedirekøren sitt framlegg til økonomiplan og budsjett, har vi følgjande innspel:

- Ikkje kutt MOT frå 2023.

Vi meiner MOT er viktig i ungdomsskulen og ber om at programmet kan halde fram.

Vi opplev at MOT er med på å skapa betre klassemiljø og fellesskap i klassane, og betre livsmeistring for den enkelte.

MOT gjev også betre overgang mellom barneskule og ungdomsskule.

- Kutt i kultur frå 2024-.

Ikkje kutt i tilbod til barn og unge. Ungdomsklubbane, arrangementer, Open hall og ferieaktivitetar er som vi påpeikte til formannskapet i august viktige for trivsel for barn og unge.

- Framlegg om investering i lærebøker.

Vi har fått innspel frå elevråd på Radøy ungdomsskule om for dårlege lærebøker. Dei er utdaterte og har mykje feil. Elevane opplev å få mange kopiar og hefter, som det ikkje er lett å halde orden i.

Vi meiner at alle elevråd i kommunen må få uttale seg om korleis dei opplev undervisninga og ulike verkøy for læring. I dag opplev mange å få kopiark, hefter, utdaterte lærebøker i kombinasjon med digitale verkøy.

Vi meiner kommunen sjå gjennom bruken av ulike verktøy og materiell, høyre på innspel frå elevar/elevråd og samstundes sikra finansiering av oppdaterte lærebøker der det er behov. Mange liker ein god fysisk lærebok, ikkje alt digitalt.

- Innsparing, Helse og omsorg

Vi meiner kommunen bør sjå om ein kan effektivisere helse og omsorg, slik at ein ikkje må auke budsjettet så mykje som økonomiplanen seier. Til dømes, kan betre bruk av velferdsteknologi redusere behovet?

- Innsparing, Oppvekst og skular.

Vi er ikkje i mot å leggje ned skular for å betre økonomien, men da må innsparingen vere eit ledd i å behalde andre tilbod til barn og unge (t.d. unngå kutt i kultur og MOT).

Vi meiner det kan vere fordelar ved å leggje ned skular, dersom det bidreg til større fellesskap for elevane gjennom større klassar og fleire medelevar på skulen.

Administrasjonsutval 30.11.2022:

Handsaming:

Orientering ved kommunedirektør Ørjan Raknes Forthun.

Saka vert teke til orientering, samrøystes.

Uttale frå Norsk sykepleierforbund ved HTV Silje Fanebust:

I forbindelse med budsjettprosessen så ønsker Norsk sykepleierforbund i Alver å legge ved denne uttalen.

Norsk sykepleierforbund er opptatt av tjenestetilbudet i skolehelsetjenesten. Skolehelsetjenesten i Alver har i dag ett lavere antall helsesykepleiere per elev i skolen enn anbefalt ut ifra Helsedirektoratet sine anbefalte normtall. I tillegg har oppvekstreformen tydeliggjort behovet for å satse på tidlig innsats og forebygging. Vi ser at utfordring bilde rundt psykisk helse, spiseforstyrrelse, psykososiale utfordringer i klassemiljøene og skolevegning er økende hos barn og ungdom i både barne,- ungdom og videregående skole. Helsesykepleiere i skole har en nødvendig rolle i barnas hverdag for å komme i posisjon for å følge opp og avdekke psykisk uhelse og skolevegning, men og vold og overgrep i nære relasjoner. Det forutsetter en viss tilstedeværelse på skolene for å kunne komme i en slik posisjon.

Slik ressurstildelingen i skolehelsetjenesten er i dag, er denne tjenesten smurt tynt utover alle skolene. Dette medfører at tilgjengeligheten og kontinuiteten på helsesykepleiere i skolen for barna er sårbar.

Ungdomsrådet har og pekt på utfordringer rundt helsesykepleiertilbudet til barn og unge der de etterlyser økt åpningstid på helsestasjon for ungdom, og mer tid per elev for helsesykepleiere i skolen.

Uttale frå Utdanningsforbundet ved Jarle Næss:

Utdanningsforbundet Alver ser med uro på den økonomiske situasjonen som Alver kommune no befinn seg i. Det er heilt klart behov for store innsparingar, og vi har stor forståing for at kommunedirektøren og Kommunestyret har ein krevjande jobb i høve til å leggje fram og vedta økonomiplanen for dei neste åra. Samstundes er det vår jobb å påpeike kva konsekvensar vi ser av dei kuttforslaga som no ligg føre. Vi er forplikta til å seie ifrå idet vi opplever at drifta ikkje er, eller har moglegheit til å vere, innanfor det lovpålagte og forsvarlege. Ein del førebyggjande tiltak er ikkje lovpålagte. Her har vi forskingsmessig belegg for å hevde at innsparingar på kort sikt, vil vere vesentleg dyrare på litt lengre sikt, og jo lenger periode vi er utan førebyggjande tiltak, jo meir kostbart vil det bli. Det vil vere feil å berre snakke om dei økonomiske konsekvensane. Sparetiltaka har potensiale til å gje store menneskelege konsekvensar for einskildborn og -elevar. For få månadar sidan hadde vi ein omfattande lærarstreik som blei avslutta etter tvunge lønsnemnd, av omsyn til dei mest sårbare elevane. Utdanningsforbundet Alver bed innstendig om at omsynet til sårbare barn og unge òg blir teljande i høve til kor og korleis innsparingar blir gjennomførte i Alver kommune.

I fleire samanhengar har Utdanningsforbundet av kommuneleiinga blitt skulda for å svartmale situasjonen når vi har snakka om korleis våre leiarar og tilsette opplever arbeidssituasjonen sin. Dessverre er det sånn at når barnehage- og skuleeigar gjentatte gonger ovanfor politisk hald, t.d. i tilstandsrapportar og no i Kommunedelplan oppvekst, ikkje skriv eller seier noko om korleis stoda faktisk er i barnehagane og skulane, men om korleis stoda burde ha vore, så står Utdanningsforbundet ganske åleine om å balansere dette biletet. Vi vil oppmode kommunestyrepolitikarane til å lese dei innspela som i økonomiplanprosessen har kome frå leiarar og tillitsvalde innan dei ulike tenesteområda i oppvekst. Særskilt er referatet frå skulesektoren sterk lesing.

Det som går att når vi snakkar med våre medlemmar, er generelt at dei er slitne, og at det ikkje er samsvar mellom den bemanninga og dei ressursane dei har til rådighet, og dei oppgåvene dei skal løyse. Når det gjeld synspunkt på økonomiplanen og dei kuttforslaga som ligg føre, så seier leiarane at dei opplever at dei frå før balanserer heilt på grensa i høve til lovlegheit og forsvarlegheit, og at det t.d. i mange av skulane er omtrent umogleg å halde lærarnorma samstundes som einskildvedtak om spesialundervisning og ei auke i utagering og psykiske utfordringar blant elevane må handterast. I mangel på læremiddel, både lærebøker og digitale læremiddel, blir lærarane påført mykje ekstraarbeid med å lage undervisningsopplegg med tilstrekkeleg god kvalitet. Alt tyder på at dette er ei ekstra belastning som lærarane blir ståande i i lang tid framover.

Forslaget om å kutte 6,5 lærarårsverk frå eit allereie opplevd minimumsnivå, samt å fjerne og redusere ulike førebyggjande tiltak, har fått nokre av rektorane til å stille seg spørsmålet om dei er villige til å stå ansvarlege for drifta vidare, eller om dei skal finne seg noko anna å gjere.

Når det gjeld forslaget om å leggje ned spesialpedagogisk støtteining barnehage og plassere dei tilsette ut i dei kommunale barnehagane, har Utdanningsforbundet Alver følgjande kommentar: Arbeidsgjevar sine argument om å følgje tilrådinga til skuleforskar Thomas Nordahl (i

Stortingsmelding) og tilrådinga til Alver kommune sitt prosjekt Universell pedagogikk, er heller tvilsame. Nordahl sine forslag om endra organisering av spesialundervisning dreier seg om skule, og er i tillegg frå mange hald blitt sterkt kritisert. Prosjekt Universell pedagogikk har ikkje gitt tilråding til denne endringa, men konkludert med at det på eit tidspunkt er fornuftig å ta ein gjennomgang i høve til korleis spesialpedagogikken i barnehagesektoren bør organiserast. Det er to heilt forskjellige ting. Utdanningsforbundet Alver har god grunn til å tru at spesialpedagogane kjem til å inngå i den ordinære bemanninga i dei kommunale barnehagane, vere ein del av bemannings- og pedagognorma, og at det spesialpedagogiske arbeidet vil bli utvatna med at spesialpedagogane òg blir sett til anna ordinært arbeid i barnehagane. Det vil bli eit betydeleg kvalitetstap for spesialundervisninga at eit kompetent fagmiljø blir splitta. I tillegg vil denne nye organiseringa syte for at dei private barnehagane ikkje lenger kan nytte teamet sin spesialpedagogiske kompetanse, og dei private barnehagane må ut på marknaden for å finne spesialpedagogar som det er stor mangel på. Utdanningsforbundet Alver fryktar at spesialpedagogane forsvinn, anten til andre kommunar eller til private.

Det er positivt at det er føreslått styrking av bemanninga i barnehagane for å sikre at pedagogane får tatt ut plantida si. Det er godt kjent at veldig mykje av pedagogane si plantid no forsvinn på grunn av at det ikkje er forsvarleg at dei forlet barna på avdelinga som følgje av tynn grunnbemanning i kombinasjon med høgt sjukefråvere. Difor meiner Utdanningsforbundet Alver at det er for lenge å vente på denne bemanningsauka heilt til 2025.

Det er føreslått å kutte MOT-tilbodet i ungdomsskulane, noko som kommunedirektøren meiner skal gje ei innsparing på 1 million pr år. Mange av MOT-coachane er lærarar i skulane i dag, der dei har MOT-timane som ein del av sine stillingar. Her vil det ikkje gje noko innsparing når MOT-timane forsvinn, for då skal elevane ha annan undervisning som kostar mist det same som MOT-timane.

Utdanningsforbundet Alver stiller difor spørsmålsteikn med kommunedirektøren sitt reknestykke.

Den nye Oppvekstreforma held tidleg innsats som ein grunnpilar for heile reforma. Dei siste året har arbeidet med tidleg innsats i skulen blitt redusert i Alver kommune, då store delar av ressursane har gått til finansiering av minstenorma for lærartettleik, oppfølging av nye framandkulturelle elevar, samt elevar med store utfordringar knytt til utagering og/eller psykisk helse. I tillegg har og andre førebyggjande tiltak blitt bygd ned. Mellom anna har miljøterapeutstillingar forsvunne. Ressursane til desse miljøterapeutstillingane som skulane mista i 2022, skulle vore brukt til etablering av eit såkalla barnehage- og skulemiljøteam innunder PPT. Her har tilsetjinga blitt stansa, og dei tilsette ved PPT er med rette urolege for at dette teamet aldri kjem på plass.

Det å redusere drifta til Salto og fritidsklubbar, forsterkar ytterlegare Alver kommune si vandring vekk frå førebygging og over til meir og meir brannsløkking.

Det er ein stor fare for at kutt i tidleg innsats og førebyggjande tiltak ganske raskt vil føre til akutt behov for fleire dyre og omfattande tiltak.

Utdanningsforbundet Alver håper at Kommunestyret greier å einast om ein økonomiplan som sikrar både lovleg og forsvarleg drift i våre avdelingar i oppvekstsektoren.

ADM- 031/22 Vedtak:

Saka er teke til orientering.

Alver formannskap 01.12.2022:

Handsaming:

Tillegg til kommunedirektøren sitt framlegg vart ettersendt:

I tillegg til punkt 1 i kommunedirektøren sitt framlegg til investeringsbudsjett gjerest det framlegg om å løyve investeringsmidlar til brannsikring i kyrkjene, i tråd med krav etter tilsyn. Det vert løyvd kr 750.000,- for 2023 og kr 750.000,- i 2024. Investeringa skal finansierast med tilsvarande auka bruk av lånemidlar for 2023 og 2024. Renter og avdragseffekt på investeringa vert finansiert ved auka bruk/ redusert avsetnad på disposisjonsfondet.

Kommunedirektøren sitt framlegg vart samrøystes vedteke.

FO- 131/22 Vedtak:

1. Investeringsbudsjettet for 2023 og for økonomiplanperioden 2023-2026 blir vedteke jfr. Bevilgningsoversikter Investering etter § 5-5. Budsjettet er basert på forventta framdrift på tidlegare vedtekte prosjekt, i tillegg til nokre nye mindre prosjekt. Sum investeringsutgifter i 2023 vert budsjettert med 328 386 000 kr. Bruk av lånemidlar vert budsjettert med 242 939 000. Låneopptak til investeringsprosjekta vert avrunda fastsett til 243 000 000 kr. Øvrig finansiering framgår av bevilgningsoversikten.
I tillegg vert det budsjettert med opptak av startlån for vidareutlån i Husbanken på 150 000 000 i 2023 slik det framgår av bevilgningsoversikten. Låneopptak skal skje ihht. fullmakt i Finansreglementet pkt. 8.1. De vert løyva investeringsmidlar til brannsikring i kyrkjene, i tråd med krav etter tilsyn. Det vert løyvd kr 750.000,- for 2023 og kr 750.000,- i 2024. Investeringa skal finansierast med tilsvarande auka bruk av lånemidlar for 2023 og 2024. Renter og avdragseffekt på investeringa vert finansiert ved auka bruk/ redusert avsetnad på disposisjonsfondet.
1. Økonomiplan for 2023-2026 og årsbudsjett for 2023 blir vedteke, jfr. Bevilgningsoversikt drift §5-4 og økonomisk oversikt drift §5-6. Årsbudsjettet for 2023 blir vedteke med sum netto driftsrammer for dei sju sektorane, jf. eigen tabell.
1. Kommunedirektøren får fullmakt til å fordele sentralt avsett lønsauke til sektorane når årets lønsforhandlingar er gjennomført.

1. For skatteåret 2023 skriv Alver kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2023 skrive ut eigedomsskatt på «et særskilt fastsett grunnlag» i henhold til overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å anse som næringsseigedom. Det særskilte grunnlaget skal i 2023 vere lik 2/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2023 skrive ut eigedomsskatt på bygningar og grunnareal for anlegg nevnt i punktet over i henhold til overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. eigedomsskattelova § 25.
1. Basert på endringar i borne- og elevtall i dei kommende åra, ber Kommunestyret kommunedirektøren om å starte arbeidet med barnehage og skulebruksplan for Alver kommune
1. Kommunestyret ber kommunedirektøren om å starte arbeidet med taksering av næringsseigedomar i 2023 med sikte på å innføre eigedomsskatt på all næring i 2024.
1. Kommunestyret ber kommunedirektøren starte arbeidet med taksering av hus, hytter og tomter med sikte på å innføre eigedomsskatt i 2024. Det er sett av 1,5 mill. kr til takseringsarbeidet i 2023. Dersom anbudsprosessen viser at takseringsarbeidet vert dyrare, bes kommunedirektøren om å ta resultatet inn i tertialrapporteringa i 2023.
1. Det vert gjeve ei ramme på 1 924 000 kr til kontrollutvalet.
1. Det vert gjeve eit driftstilskot til Alver kyrkjelege fellesråd på 26 535 000 kr. I tillegg kjem dekking renter og avdrag på lånet for Kyrkja i Knarvik som tilsaman utgjer 3 228 000 kr.
1. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
1. Godtgjersle til ordfører er 1 064 318 kr og varaordfører 638 591 kr. Dette er i samsvar med godtgjersle til stortingsrepresentantar pr 1. mai 2022. Løna skal regulerast per mai 2023 i samsvar med endringar i løn til stortingsrepresentantar.

Alver kommunestyre 15.12.2022:

Handsaming:

Innlegg ved leiar og nestleiar i ungdomsrådet, nestleiar eldrerådet og leiar i råd formenneske med nedsett funksjonsevne.

Det var trekking av rekkefølge til debatten, 1. SP, 2. H, 3. UAVH., 4. R, 5. FRP, 6. KRF, 7. V, 8. SV, 9. MDG, 10. AP

Framlegg frå L.Taule SP:

<https://pub.framsikt.net/2023/alver/ps-2023-senterpartiet/#/polsim/politicalsimulation/>

Framlegget fekk 13 røyster og fall (L.Johnsen-MDG, M.Greve-MDG, L.Bjørge-SP, L.Taule-SP, L.van der Kooij-SP, M.B.Gjerde-SP, M.I.Wergeland-SP, O.S.Namtveit-SP, S.Sekkingstad-SP, T.Helland-SP, V.Villanger-SP, A.Nordlund-SV og S.Toft-V)

Framlegg frå H, AP, KRF og FRP ved I.Fjeldsbø-H:

[https://pub.framsikt.net/2023/alver/ps-2023-](https://pub.framsikt.net/2023/alver/ps-2023-budsjett_hogre_krf_frp_og_ap/#/polsim/politicalsimulation/)

[budsjett_hogre_krf_frp_og_ap/#/polsim/politicalsimulation/](https://pub.framsikt.net/2023/alver/ps-2023-budsjett_hogre_krf_frp_og_ap/#/polsim/politicalsimulation/)

Framlegget vart vedteke med 28 røyster (A.G.Eide-AP, A.Sylta-AP, K.Floen-AP, N.Bognøy-AP, Ø.Oddekalv-AP, P.I.Hopland-AP, T.Skurtveit-AP, N.Øvreås-FrP, C.Håland-H, Heine Fyllingsnes-H, H.Fyllingsnes-H, I.Fjeldsbø-H, K.Murberg-H, N.M.Aadland-H, Ø.Bratshaug-H, S.Røskeland-H, A.K.Eknes-KrF, A.Hetlebakke-KrF, A.Byrknes-KrF, E.M.Dale-KrF, J.Romarheim-KrF, M.Andvik-KrF, S.Lavik-KrF, S.Sekkingstad-SP, A.I.Solheim-UAV, K.O.Larsen-UAV, M.Klementsens-UAV. og T.Sletten-Hansen-UAV.)

Framlegg frå M.Færø-uavh.:

https://pub.framsikt.net/2023/alver/ps-2023-folkeparti_alver_2023/#/polsim/politicalsimulation/
Framlegget fekk 6 røyster og fall (H.Breivik-uavh., K.O.Larsem-uavh., M.Færø-uavh., M.Klementsenuavh., S.Hopland-uavh. og T.Sletten-Hansen-uavh.)

Framlegg verbalpunkt frå A.Byrknes-KRF:

Kyrkjetomt Frekhaug:

Kommunestyret ber kommunedirektøren leggje fram sak kyrkjetomt jmf intensjonsavtalen mellom AKF og Alver kommune. Det skal greiast ut kva forplikingar kommunen har gjennom denne intensjonsavtalen ref. AKF sitt brev til kommunestyret. Saka skal leggjast fram i fyrste møte i FO 2023.

Framlegget fekk 19 røyster og fall (A.K.Eknes-KRF, A.Hetlebakke-KRF, A.Byrknes-KRF, E.M.Dale-KRF, J.Romarheim-KRF, M.Andvik-KRF, S.Lavik-KRF, L.Johnsen-MDG, M.Greve-MDG, L.Bjørge-SP, L.Taule-SP, L.van der Kooij-SP, M.B.Gjerde-SP, M.I.Wergeland-SP, O.S.Namtveit-SP, S.Sekkingstad-SP, T.Helland-SP, V.Villanger-SP og S.Toft-V)

Framlegg verbalpunkt frå SV og R ved A.Helle-R:

Kommunestyret ber kommunedirektøren gjere greie for kva verkemiddel kommunen kan ta i bruk for å sikra ein sosial profil ved ei eventuell framtidig innføring av eigedomskatt, med bunnfrådrag og ulike satsar. Vi ynskjer at det vert gjort greie for mogelege ordningar for fritak, geografisk differensiering og andre tiltak som kan sikra ein god omfordelende profil, og som skjermar innbyggjarar med låg formue. Utgreiinga skal presenterast som eit kunnskapsgrunnlag for kommunestyret.

Framlegget fekk 13 røyster og fall (L.Johnsen-MDG, M.Greve-MDG, L.Bjørge-SP, L.Taule-SP, L.van der Kooij-SP, M.B.Gjerde-SP, M.I.Wergeland-SP, O.S.Namtveit-SP, S.Sekkingstad-SP, T.Helland-SP, V.Villanger-SP, A.Nordlund-SV og S.Toft-V)

Framlegg S.Toft-V:

Nytt verbalpunkt.

Det regulerte friluftsområdet i Lonena skal forhandlast ferdig i 2023 med formål innløyising.

Det vart stild spørsmål frå J.Romarheim om habilitet til dette punktet. Kommunestyret gjorde samrøystes vedtak om at J.Romarheim er habil i dette verbalpunktet.

Framlegget vart vedteke med 35 røyster, mot 9 røyster (A.G.Eide-AP, K.Floen-AP, N.Bognøy-AP, C.Håland-H, H.Fyllingsnes-H, I Fjeldsbø-H, N.M.Aadland-H, Ø.Bratshaug-H og S.Røskand-H)

1. Sp, Ap, H, KrF, Frp

DAGSENTERTILBOD YNGRE PERSONAR MED DEMENS

Ressursnivået som er brukt på tilbod for yngre personar med demens i Alver kommune i 2022, skal for 2023 oppretthaldast.

Alver kommune skal ha eit tilbod for yngre personar med demens.

Tilbodet skal innarbeidast i den heilskaplege demensplanen som er planlagt.

Framlegget vart samrøystes vedteke.

2. Sp, H, KrF, Frp, Ap

ORGANISASJONSPROSJEKT ALVER KOMMUNE

Det må snarast setjast i gong eit prosjekt i heile kommuneorganisasjonen der målet er å finne ei berekraftig og framtidsetta drift av kommunen. Ei kontinuerleg forbetring der ein bla tar metoden LEAN i bruk skal vurderast.

Kommunestyret meiner ein som organisasjon må ha god kunnskap i kva kompetanse som er rett kompetanse for å løyse oppgåvene til ei kvar tid i tenesteområda.

Kommunestyret viser til Fagforbundet si uttale til kommunestyret der dei peikar på at Alver kommune si organisering må evaluerast, og at ein går igjennom heile organisasjonen, alle sektorar, tenesteområde og avdelingar. Vi er samde med Fagforbundet, og organisasjonsprosjektet må ha god dialog og samhandling med tillitsvalde og vernetenesta gjennom bla administrasjonsutvalet.

Det skal utarbeidast eit mandat for arbeidet og Formannskapet skal vere styringsgruppe for prosjektet. Dei politiske fagutvala skal haldast orientert og høyrast i prosessane.

Organisasjonsprosjektet skal gjennomførast og leiast av ekstern kompetanse.

Framlegget vart samrøystes vedteke.

3. Sp, Ap, H, KrF og Frp

SPESIALPEDAGOGISK TEAM – BARNEHAGE

Kommunestyret ber kommunedirektør om ei eiga sak knytt til endringar i spes.ped.teamet for barnehagane. Det må synleggjerast korleis det spesialpedagogiske arbeidet skal organiserast både i den kommunale barnehagen og dei private barnehagane.

Framlegget vart samrøystes vedteke.

4. Sp, Ap, H, Frp og KrF

SENIORTILTAK

Det skal utarbeidast ein plan for seniorpolitikk i Alver kommune. Det vil vere viktig å halde på kompetanse lengst mogleg.

Framlegget vart samrøystes vedteke.

5. Sp, Ap, H, Frp og KrF

TILSETJINGSKONTROLL

Kommunestyret ber kommunedirektøren om å innføre tilsetjingskontroll. Formannskapet skal haldast laupande orientert.

Framlegget vart samrøystes vedteke.

6. Sp, Ap, H, KrF og Frp

SAL AV KOMMUNALE EIGEDOMMAR

Det er kommunestyret som gjer vedtak om sal av kommunale eigedomar.

Kommunestyret ber kommunedirektøren effektivisere sal av kommunale eigedommar, og ber kommunedirektøren leggje fram sak med mål om å selje dei eigedomane som kan seljast.

Kommunestyret viser ellers til sak 085/21 den 24.06.21 som framleis gjeldande.

Framlegget vart samrøystes vedteke.

7. Ap, KrF, H, Frp

INTERKOMMUNALE AVTALAR

Kommunestyret ber om at det vert sett i gong ei gjennomgåing av interkommunale avtalar og samarbeid. Gjennomgåinga skal belysa kva oppgåver ein skal løysa i samarbeida. Den skal også visa korleis ein er organisert og kva personalressursar og personalkostnader Alver kommune pliktar i samarbeida.

Framlegget vart samrøystes vedteke.

8. Sp, Ap, KrF, H, Frp

Bruk av kommunale bygg

Kommunestyret ber kommunedirektøren snarast setje i gong arbeidet med relokalisering av kommunale tenester i kommunale bygg med mål om å redusere leigekostnader. Kommunestyret har gjentatte gongar bedt kommunedirektøren om å ta i bruk kommunehuset på Manger permanent. Kommunestyret ber om at dette vert følgt opp umiddelbart.

Kommunestyret ber kommunedirektøren om å gå i dialog med AMFI Knarvik for å sei opp avtalen om

innbyggjarservice i AMFI Knarvik.

Framleggt vart samrøystes vedteke.

9. Ap, KrF, H, Frp

ENDRING I POLITISK STYRINGSSTRUKTUR FRÅ OG MED NESTE KOMMUNESTYREPERIODE 2023-2027

Kommunestyret skal ha 41 representantar og følgjande utvalsstruktur:

- Formannskap
- Utval for areal, plan og miljø
- Utval for levekår (helse- og omsorg, oppvekst, kunnskap og kultur)
- Utval for næring og drift

Ansvarsområda til levekår skal bestå av ansvaret helse- og omsorg og OKK hadde kvar for seg, elles forblir ansvarsområdene uendra. Ein ber om sak for å få oppdatert politisk styringsstruktur i tråd med dette i første møterunde etter jul. I same sak vil også ny fordeling av antal representantar i kvart utval bestemmes.

Framlegget vart vedteke mot 19 røyster

10. Sp, Ap, H, KrF, Frp

FOKUS PÅ SJUKEFRÅVÆR TIL NÆRVÆR

Eit godt arbeidsmiljø gir engasjerte og friske medarbeidarar.

Å skape eit godt arbeidsmiljø krevjer omfattande og systematisk arbeid over tid. Det handlar om å bli bevisst på kva arbeidskultur ein har og korleis ein skal jobbe med å forbetre den.

Vi ber kommunedirektøren sjå på KS- prosjektet NED som er eit nærværprosjekt brukt i fleire kommunar. Målet er meir nærvær på jobb og med fokus på arbeidsmiljø og engasjerte medarbeidarar.

Alver kommune har eit høgt sjukefravær og det er viktig at det vert arbeidd kontinuerleg med å redusere dette.

Kommunestyret ber om at det vert sett i gong eit forpliktande trepartssamarbeid som har som mål å redusere sjukefraværet i organisasjonen.

Framlegget vart samrøystes vedteke.

11. Sp, Ap, H, KrF og Frp

BUA

Kommunestyret ber kommunedirektøren om å greie ut moglegheitene for å utvide BUA-tilbodet.

Framlegget vart samrøystes vedteke.

12. Sp, Ap, H, KrF og Frp

REDUKSJON I TENESTEOMRÅDE KULTUR

Det er i kommunedirektøren sitt framlegg ikkje lagt opp til reduksjon i ramma til tenesteområdet kultur i 2023. Når det gjeld økonomiplanen 2024-2026 vil kommunestyret arbeide vidare med planen med mål om minst mogleg reduksjon i tenesteområdet

Framlegget vart samrøystes vedteke.

13. Ap, H, KrF og Frp

BUDSJETTOVERSKRIDINGAR - INVESTERINGER VANN/AVLAUP

Det er ei utfordrande økonomisk tid for mange innbyggjarar, og kommunen må vera svært medviten

kva utgifter kommunestyret pålegg innbyggjarane våre å betala. Kommunestyret kan aldri sikra seg 100% mot overskridingar av investeringsprosjekt, men i framtida må det innarbeidast som norm at inndekkinga av desse overskridingane i hovudsak må dekkjast innafor ramma til sektoren. Det vil seie at dersom eit VA-prosjekt får overskridingar, får det den konsekvensen at andre VA-prosjekt må nedskaleras og/eller skyvast på. Ved særlege tilfelle, då det ikkje vil vera forsvarleg å skyva på andre prosjekt, må det argumenterast særskilt for å gje ekstraløyving utover ramma i kvar einiskild sak.

Framlegget vart vedteke mot 3 røyster (O.S.Namtveit-SP, S.Sekkingstad-SP og L.Johnsen-MDG)

14. Sp

Rekrutteringsplan

Kommunestyret ber om at det vert utarbeida ein rekrutteringsplan, som mellom anna inkluderer lærlingpolitikk.

Framlegget vart vedteke mot 2 røyster (S.Lavik-KRF og Ø.Oddekalv-AP)

15. Sp

Invest in Bergen

Kommunestyret ber kommunedirektøren gå i dialog med Vestland fylkeskommune med mål om å reorganisere Invest in Bergen utan kommunal eigardel.

Framlegget fekk 17 røyster og fall, mot 26 røyster (KRF, MDG, FRP, H og AP).

16. Sp

Prestmarka Barnehage

Kommunestyret ønskjer å samle barnehagen på Manger i ein lokasjon. Kommunestyret ber kommunedirektør komme tilbake med sak i første kvartal 2023.

Framlegget vart vedteke med 38 røyster, mot 5 (Ø.Oddekalv-AP, S.Toft-V, A.Nordlund-SV, L.Johnsen-MDG og M.Greve-MDG)

17. Sp

Uteområde Myking skule

Kommunestyret ber om at uteområdet på Myking skule vert prioritert i utbetring av skuleområde.

Framlegget fekk 20 røyster og fall (N.Bognøy-AP, 9 SP, 6 UAVH, 1 SV og 1 V) mot 23 røyster

18. UAVH

Intensjonsavtalen

Vi må ta utgangspunkt i situasjonen vi er i dag. Interne og eksterne rammebetingelser er totalt endra ut frå da intensjonsavtalen ble vedtatt. Ved å oppheve denne avtalen kan vi gå igjennom alle aspekt i drifta av kommunen for å få en effektiv drift. Kommunen er i en alvorlig økonomisk situasjon og da kan vi ikkje la gamle bindande avtaler stopper for nødvendige nye tiltak som kan rette opp økonomien. Tiltak for å sikre en økonomisk sunn drift i kommunen.

Framlegget fekk 10 røyster og fall (6 uavh., 1 SV, 1 V og 2 MDG), mot 33 røyster

19. UAVH

Konsulentbruk

Eksterne konsulenttenester må avgrensast, då tilsette i leiinga i kommunen presumptivt bør kunne utføre dessa arbeidsoppgåvene. Skulle en mot formodning oppdage at tilsette ikkje innehar kompetansen en kommune trenger i sitt virke, bør en vurdere å bytte ut tilsette slik at kommunen har nødvendig og riktig kompetanse i sin stab. Dette da vi stadig har overskridelser og sprekk i våre

prosjekter som gir ekstremt høye avgiftsnivåa vi pålegga våre innbyggjar å betale. Kommunens administrative kompetanse må heves innad blant egne tilsette, for å begrense bruk av eksterne konsulenter.

Framlegget fekk 6 røyster og fall (6 uavh.), mot 37 røyster.

20. Redusere tilsette / omstrukturere

Kommunedirektøren har ført inn i sitt forslag til budsjett med nedgang i tilsette ved naturlig avgang og omstruktureringar. I Formannskapet 1. desember d.å. svarte han på spørsmål som gjelder lærarstillingar, hvor han presiserte at nedbemanning i f.eks. skolen ville bli spreidd utover i takt med synkende elevtal. Folkepartiet er på dette grunnlaget til Kommunedriektøren einig i denne reduseringa av tilsette. Går elevtal, antall barn i barnehage eller saksmengda på offentlege kontor ned, så må antall tilsette reduseres ut fra dette. Dette er effektiviseringstiltak!

Framlegget fekk 6 røyster (6 uavh.) og fall, mot 37 røyster

21. Sal av diverse kommunale eigedomar

Administrativt må det gås igjennom den totale eigedomsmassen og selje det en ikkje trenger til kommunal drift.

Kommunedriektøren bør snarast sette i gang med å selje andre kommunale eigedommar som kommunen ikkje bruker. I Kommunedirektøren sitt forslag viser han til at alle bygg som ikkje er i bruk, stenges ned. Dette er ikkje økonomisk berekraftig. Som kommunestyret vet, så har kommunen et stort etterslep vedrørende vedlikehald på våre eigedommar. En nedstenging vil kunne føre til forringing av verdien på eigendommen som kommunen forvalter for sine innbyggere. Folkepartiet forventar derfor at Kommunedirektøren straks setter i gang salg av alle eiendommer som vi ikkje selv nytter. Vi er blitt gjort oppmerksom på at det er frivillige organisasjonar som ønsker å kjøpe kommunale bygningar, men forhindrast til dette da tilbodet de mottar ikkje står i stil til byggets tilstand og manglande vedlikehald. Kommunen vil nok ikkje tener seg ut av sine økonomiske problema med disse sala, men ein får inn noen kroner her og der, samt at vedlikehaldsbudsjettet spare inn med enorme summer.

Folkepartiet ber Kommunedirektøren om at det i 2023 inngås avtaler med minimum 10 langtids leietager av kommunale leiligheter med en avtale om «leie til eie» lån via husbanken. Det tenkes da på personar med lav inntekt som i lånet får midlar til nødvendig oppgradering og etterslep av vedlikehald. Kor leigetakar kan gjera eigenarbeid som eigenkapital. Dette vil forsiktig estimert gi kommunen en inntekt på kr. 30 mill. samt innsparte midlar på vedlikehaldsetterslepet.

Framlegget fekk 8 røyster og fall (6 uavh., 1 H, 1 FRP) mot 35 røyster

22. Tenesteyting barnehagar og barnehagestrukturplan

Det opplyst frå administrasjonen at det er pr. i dag er 600 ledige barnehageplassar i Alver. Dette har ført til at Folkepartiet har revurdert antall teljetidspunkt og en ny barnehagestrukturplan. Vi ønsker at det vert innført tre teljetidspunkt pr. år. Dette vil ha innverknad på kommunen sin økonomi. Folkepartiet trur også at dette vil gjøre det enklere for foreldre og barnehager å ta inn nye barn inne i ett barnehage år. Dette ses som nødvendig ihht. kommunen sin økonomiske situasjon.

Framlegget vart vedteke med 26 røyster, mot 17 røyster

23. Skulestrukturplan

Ein kan ikkje behalde antal tilsette når elevtalet går ned. Vi må holde en god skule med nok tilsette, men også skuler som kan holde den faglige kompetansen elevane treng. For å ha kvalitet og kompetanse kan ein ikkje ha skule i kvart lokalsamfunn.

Framlegget fekk 5 røyster og fall (5 uavh.)

24. Strøminnsparing

Tilsette har i dag moglieheit for å lade sine el-bilar gratis i Alver sine kommunale bygg. Dette må omgåande opphøyra! Dette burde førast i lønnsghoder. Det blir forskjellsbehandling at tilsette med El-bil får gratis «drivstoff» sponsa av kommunen sitt driftsbudsjett, mens tilsette uten el-bil ikkje får sponsa sitt drivstoff. Einaste bilene som skal ladast på kommunen sitt budsjett er tenestebiler. Det bør straks innførast ansvar til tilsette om at siste på jobb slår av alle lys. Ein kan kvar dag observera fullt lys på offentlege kontor på kveld og nattetid. Dette utgjør ein betydeleg kostnad med dei strømprisane som er nå, også med tanke på at de fleste lyskjeldene er gamle lysstoffrør som trekker mye strøm.

Framlegget fekk 6 røyster og fall (6 uavh.), mot 37 røyster.

25. Gamle Alversund skule

Dette bygget står delvis tomt i dag og har ofte og mykje hærverk ifølge media. Da økonomien og etterslep på vedlikehald er stort ønsker Folkepartiet å selja dette området. Kommunen trenger kapital og byggmassen trenger både vedlikehald og å tas i bruk.

Framleggt fekk 9 røyster og fall (6 uavh., Heine Fyllingsnes-H, K.Murberg-H og A.I.Solheim uavh.), mot 34 røyster

KO- 182/22 Vedtak:

https://pub.framsikt.net/2023/alver/ps-2023-budsjett_høgre,_krf,_frp_og_ap/#/polsim/politicalsimulation/

Verbalpunkt:

1. Det regulerte friluftsområdet i Lonena skal forhandlast ferdig i 2023 med formål innløyising.
1. DAGSENTERTILBOD YNGRE PERSONAR MED DEMENS
Ressursnivået som er brukt på tilbod for yngre personar med demens i Alver kommune i 2022, skal for 2023 oppretthaldast.
Alver kommune skal ha eit tilbod for yngre personar med demens.
Tilbodet skal innarbeidast i den heilskaplege demensplanen som er planlagt.
1. ORGANISASJONPROSJEKT ALVER KOMMUNE
Det må snarast setjast i gong eit prosjekt i heile kommuneorganisasjonen der målet er å finne ei berekraftig og framtidretta drift av kommunen. Ei kontinuerleg forbetring der ein bla tar metoden LEAN i bruk skal vurderast.
Kommunestyret meiner ein som organisasjon må ha god kunnskap i kva kompetanse som er rett kompetanse for å løyse oppgåvene til ei kvar tid i tenesteområda.
Kommunestyret viser til Fagforbundet si uttale til kommunestyret der dei peikar på at Alver kommune si organisering må evaluerast, og at ein går igjennom heile organisasjonen, alle sektorar, tenesteområde og avdelingar. Vi er samde med Fagforbundet, og organisasjonsprosjektet må ha god dialog og samhandling med tillitsvalde og vernetenesta gjennom bla administrasjonsutvalet.
Det skal utarbeidast eit mandat for arbeidet og Formannskapet skal vere styringsgruppe for prosjektet. Dei politiske fagutvala skal haldast orientert og høyrast i prosessane.
Organisasjonsprosjektet skal gjennomførast og leiast av ekstern kompetanse.
1. SPESIALPEDAGOGISK TEAM – BARNEHAGE
Kommunestyret ber kommunedirektør om ei eiga sak knytt til endringar i spes.ped.teamet for barnehagane. Det må synleggjerast korleis det spesialpedagogiske

arbeidet skal organiserast både i den kommunale barnehagen og dei private barnehagane.

1. SENIORTILTAK

Det skal utarbeidast ein plan for seniorpolitikk i Alver kommune. Det vil vere viktig å halde på kompetanse lengst mogleg.

1. TILSETJINGSKONTROLL

Kommunestyret ber kommunedirektøren om å innføre tilsetjingskontroll. Formannskapet skal haldast laupande orientert.

1. SAL AV KOMMUNALE EIGEDOMMAR

Det er kommunestyret som gjer vedtak om sal av kommunale eigedomar. Kommunestyret ber kommunedirektøren effektivisere sal av kommunale eigedommar, og ber kommunedirektøren leggje fram sak med mål om å selje dei eigedomane som kan seljast. Kommunestyret viser ellers til sak 085/21 den 24.06.21 som framleis gjeldande.

1. INTERKOMMUNALE AVTALAR

Kommunestyret ber om at det vert sett i gong ei gjennomgåing av interkommunale avtalar og samarbeid. Gjennomgåinga skal belysa kva oppgåver ein skal løysa i samarbeida. Den skal også visa korleis ein er organisert og kva personalressursar og personalkostnader Alver kommune pliktar i samarbeida.

1. BRUK AV KOMMUNALE BYGG

Kommunestyret ber kommunedirektøren snarast setje i gong arbeidet med relokalisering av kommunale tenester i kommunale bygg med mål om å redusera leigekostnader. Kommunestyret har gjentatte gongar bedt kommunedirektøren om å ta i bruk kommunehuset på Manger permanent. Kommunestyret ber om at dette vert følgt opp umiddelbart. Kommunestyret ber kommunedirektøren om å gå i dialog med AMFI Knarvik for å sei opp avtalen om innbyggjarservice i AMFI Knarvik.

1. ENDRING I POLITISK STYRINGSSTRUKTUR FRÅ OG MED NESTE
KOMMUNESTYREPERIODE 2023-2027

Kommunestyret skal ha 41 representantar og følgjande utvalsstruktur:

- Formannskap
- Utval for areal, plan og miljø
- Utval for levekår (helse- og omsorg, oppvekst, kunnskap og kultur)
- Utval for næring og drift

Ansvarsområda til levekår skal bestå av ansvaret helse- og omsorg og OKK hadde kvar for seg, elles forblir ansvarsområdene uendra. Ein ber om sak for å få oppdatert politisk styringsstruktur i tråd med dette i første møterunde etter jul. I same sak vil også ny fordeling av antal representantar i kvart utval bestemmes.

11. FOKUS PÅ SJUKEFRÅVÆR TIL NÆRVÆR

Eit godt arbeidsmiljø gir engasjerte og friske medarbeidarar.

Å skape eit godt arbeidsmiljø krevjer omfattande og systematisk arbeid over tid. Det handlar

om å bli bevisst på kva arbeidskultur ein har og korleis ein skal jobbe med å forbetre den. Vi ber kommunedirektøren sjå på KS- prosjektet NED som er eit nærværsprosjekt brukt i fleire kommunar. Målet er meir nærvær på jobb og med fokus på arbeidsmiljø og engasjerte medarbeidarar.

Alver kommune har eit høgt sjukefravær og det er viktig at det vert arbeidd kontinuerleg med å redusere dette.

Kommunestyret ber om at det vert sett i gong eit forpliktande trepartssamarbeid som har som mål å redusere sjukefraværet i organisasjonen.

12. BUA

Kommunestyret ber kommunedirektøren om å greie ut moglegheitene for å utvide BUA-tilbodet.

13. REDUKSJON I TENESTEOMRÅDE KULTUR

Det er i kommunedirektøren sitt framlegg ikkje lagt opp til reduksjon i ramma til tenesteområdet kultur i 2023. Når det gjeld økonomiplanen 2024-2026 vil kommunestyret arbeide vidare med planen med mål om minst mogleg reduksjon i tenesteområdet

14. BUDSJETTOVERSKRIDINGAR - INVESTERINGER VANN/AVLAUP

Det er ei utfordrande økonomisk tid for mange innbyggjarar, og kommunen må vera svært medviten kva utgifter kommunestyret pålegg innbyggjarane våre å betala. Kommunestyret kan aldri sikra seg 100% mot overskriddingar av investeringsprosjekt, men i framtida må det innarbeidast som norm at inndekkinga av desse overskriddingane i hovudsak må dekkjast innafor ramma til sektoren. Det vil seie at dersom eit VA-prosjekt får overskriddingar, får det den konsekvensen at andre VA-prosjekt må nedskaleras og/eller skyvast på. Ved særlege tilfelle, då det ikkje vil vera forsvarleg å skyva på andre prosjekt, må det argumenterast særskilt for å gje ekstraløyving utover ramma i kvar einskild sak.

15. REKRUTTERINGSPLAN

Kommunestyret ber om at det vert utarbeida ein rekrutteringsplan, som mellom anna inkluderer lærlingpolitikk.

16. PRESTMARKA BARNEHAGE

Kommunestyret ønskjer å samle barnehagen på Manger i ein lokasjon. Kommunestyret ber kommunedirektør komme tilbake med sak i første kvartal 2023.

17. TENESTEYTING BARNEHAGAR OG BARNEHAGESTRUKTURPLAN

Det opplysast frå administrasjonen at det er pr. i dag er 600 ledige barnehageplassar i Alver. Dette har ført til at Folkepartiet har revurdert antall teljetidspunkt og en ny barnehagestrukturplan. Vi ønsker at det vert innført tre teljetidspunkt pr. år. Dette vil ha innverknad på kommunen sin økonomi. Folkepartiet trur også at dette vil gjøre det enklere for foreldre og barnehager å ta inn nye barn inne i ett barnehage år. Dette ses som nødvendig ihht. kommunen sin økonomiske situasjon.

Politisk handsaming

Saka skal til uttale i administrasjonsutvalet, ungdomsråd, eldreråd og råd for menneske med nedsett funksjonsevne

Saka skal til innstilling i formannskapet

Saka skal avgjerast i kommunestyret

Lenke til kommunedirektøren sitt framlegg til budsjett og økonomiplan 2023 - 2026:

Vedlegg i saken:

31.08.2022	Budsjett 2023 - søknad	1793644
08.12.2022	Innspill til budsjett 2023 fagforb. - lagt ved til KO 15.12.2022	1848444
08.12.2022	Alver idrettsråd innspill til kommunedirektørens økonomiplan for 2023 - 2026 - lagt ved til KO 15.12.2022	1848672
08.12.2022	Merknader til økonomiplan Alver 2023-2026 Alver kulturråd - lagt ved til KO 15.12.2022	1848673